






E TABERNAKEL

Lès 13 pa Sèptèmber 27, 2025



“ E ora ei e nubia a tapa e
tabernakel di reunion, i e gloria
di Señor a yena e tabernakel. ...
Pasombra e nubia di Señor tabata
riba e tabernakel den dia, i
kandela tabata riba dje den
anochi, den bista di henter e kas
di Israel, dor di henter nan
biahenan”

Eksodo 40:34, 38, NKJV



E último kapitulon di Eksodo ta wòrdu dediká na e deskripshon detayá di e konstrukshon i dedikashon di e Tabernakel.

Esakinan tabata momentunan speshal, unda e pueblo a partisipá alegremente, kontribuyendo — kada unu segun nan por — na e trabou grandi aki pa Dios.

E motibu fundamental ku Dios ta duna pa trahando e Tèmpel kargabel (transportabel) aki ta Su deseo pa biba meimei di Su pueblo (Eks. 25:8). E deseo aki a wòrdu kumplí den e persona di Hesus, i esaki lo wòrdu realisá completamente ora ku nos tur lo ta kunE riba e Tera Nobo.



E preparashon:

➡ E Sabat (Eksodo 35:1-3)

➡ E Ofrenda Boluntario (Eksodo 35:4-36:7)


E Tabernakel:


➡ E Konstrukshon (Eksodo 36:8-39:43)

➡ E Dedikashon (Eksodo 40:1-38)


Otro Tabernakelnan:

➡ Hesus i e Jerusalèm Nobo





E PREPARASHON




E SABAT

“ Pa seis dia, trabou mester wòrdu hasí, pero e di shete dia lo ta boso di santu, un dia di sosiegu di Sabat na Señor. Ken sea ku hasi kualkier trabou riba dje mester wòrdu matá” (Eksodo 35:2)

Despues di a haña un mirada chikitu di Dios Su gloria, Moisés a transportá na e pueblo “ loke Señor a ordená((komandá) ” (Eks. 35:1, 4). E instrukshonnan aki a inkluí nan relashon ku Dios den tempu (e Sabat) i den espasio (e Tabernakel).

Dios a pone e Sabat na banda komo un tempu speshal pa nos gosa(desfrutá) di Su kompania na Kreashon su mes (Gen. 2:1-3; Eks. 20:11), i El a rekòrdá Israel di esaki djis un ratu promé di a proklamá e Dies Mandamentunan (Eks. 16:22-29).




E Sabat ta rekòrdá nos ku Dios ta nos Kreador i Redentor (Deut. 5:15), i ta hiba nos na e tempu di futuro ora ku nos lo por gosa Su kompania pa eternidat (Isa. 66:22-23).



E OFRENDA BOLUNTARIO

“ For di loke boso tin, tuma un ofrenda pa Señor. Kada un kende ku ta dispuesto mester trese na Señor un ofrenda di oro, plata i bròns [...] Tur ku ta eksperto entre boso mester bini i traha tur loke Señor a ordená ” (Eksodo 35:5,10)




Tabatin dos manera pa kontribuí na e trabou di e Tabernakel: regalá(kontribuí) materialnan i traha trabou. Mas ku un tonelada di oro, mas òf ménos 3.75 tonelada di plata, i rònt di 2.5 tonelada di bròns a wòrdu huzá, komo tambe palu i varios telanan (Ex. 38:21-31).

Di unda tur esaki a bini? Hopi di esaki a bini for di loke Israel a tuma for di e Egipsionan ora ku nan a bai (Eks. 11:2).

Adishonal, e trabou di esnan ku ta spen, kosedónan i sneirunan(sastrenan), karpinténan, kòrtadónan, hoyeronan, etc. tabatin mester di nan.

Kada un tabata asina dispuesto pa yuda ku Bezaleel, Aholiab, i e otro obreronan a pidi Moisés pa stòp e pueblo di trese ofrendanan (Eks. 36:3-7).

Pa logra(kompletá) e trabou aki, e Spiritu Santu a dota tur e trahadónan envolví ku donnan(talentonan) (Eks. 35:30–36:2). Di e mesun manera, E ta sigui duna e donnan nesesario na tur kende ta kolaborá den Dios Su trabou.



“ Dios a pone hòmbèrnan i muhénan den poseshon di donnan presioso. Na diferente di nan El a duna diferente talentonan(donnan). No ta tur tin e mesun forza di karakter òf e mesun profundidat di konosementu. Pero kada un mester huza su donnan den e Maestro Su servisio, kon ku sea kon chikitu e don aki lo ta parse di ta. E mayordomo fiel ta negoshá sabiamente riba e merkansíanan konfiá na dje.”



E TABERNAKEL




E KONSTRUKSHON


“ Moisés a inspektá e trabou i a mira ku nan a hasié meskos ku SEÑOR a ordená. P'esei Moisés a bendishoná nan” (Eksodo 39:43)



Ki elementonan tabata nesesario pa e Tabernakel di Reunion pa kumpli ku su funkshonnan?



E Tabernakel
(Lugá Santu i
Santísimo)



E arka di oro




E mesa di pan



E kandelá




E altar di
sensia



E altar di
ofrenda kimá




E labamano di
bròns



E plenchi




E efòd



E pechero




E sobrá di e
pañanan



E KONSTRUKSHON

Una bes trahá, e Santuario (e Tabernakel i e patio) tabata kas pa dos servisio distinto: esun diario i esun annual. Nan varios seremonianan, tumá huntú, ta siña nos ku:



Dios ta odia piká

Dios ta salba e pekador


Dios lo destruí e malbado

Dios ta sigurá di un futuro glorioso

Dor di e servisio diario, Dios a musta e kaminda den kual E ta pordoná, dor di grasia, e pekador: ku e morto di un animal inosente, “ e Lamchi di Dios kende ta kita e piká di e mundu ”. (Juan 1:29).

Ku e servisio annual (e Dia di Ekspiashon), Dios a musta kon E lo kaba ku(kita) piká for di e universo, mustrando e solushon final na e problema di maldad (Salmo 73:17).

E Santuario tabata tambe e lugá pa adorá Dios, alab’E i ekspresá gratitut na djE.



E DEDIKASHON


“ E ora ei e nubia a tapa e tèt di reunion, i e gloria di Señor a yena e tabernakel ” (Eksodo 40:34)



E buki di Eksodo ta kaba ku e dedikashon di e Santuario i esaki su saserdotenan. E protagonista di e kapítulo aki ta indudabelmente Dios, Kende ta yena tur kos ku Su presensia glorioso (Eks. 40:34). E Presensia aki a sigui kompañá e Tabernakel den e nubia i den e *Shekinah* (e manifestashon di gloria divino entre e kerubin di e arka).



Despues di lunanan di trabou, e santuario a wòrdu konstruí riba e promé dia di e promé luna di e di dos aña despues di nan salida for di Egipto (Eks. 40:2, 17). Tur kos a wòrdu areglá na òrdu (arka, kòrtina(velo), mesa, lampinan, altar di oro, altar di bròns, labamano), i konsagrà (Eks. 40:9).



Finalmente, Aaron i su yiunan hòmber tabata bistí den nan pañanan di saserdote, i ungí pa nan mishon (Eks. 40:12-15).



“ Ningun language(idioma) lo por deskribí e gloria di e esena presentá denter di e santuario — e murayanan enchapá ku oro reflehando e lus for di e kandelá di oro, e kolonan briyante di e kòrtinanan bòrdá luhosamente ku nan angelnan ku ta lombra, e mesa, i e altar di sensia, briyando ku oro; mas aya di e di dos velo e arka sagrado, ku su kerubin místiko, i ariba esaki e Shekinah santu, e manifestashon visibel di Yehova Su presensia; tur kos menos ku un reflekshon skur di e glorianan di e tèmpel di Dios den shelu, e gran sentro di e trabou pa hende su redenshon.”



OTRO TABERNAKELNAN

HESUS I E JERUSALÈM NOBO

" E Palabra a bira karni i a biba meimei di nos " (Juan 1:14a)

" Y mi a tende un bos duru for di e trono bisando, " Mira! Dios Su tabernakel awor ta meimei di hende, i E lo biba ku nan. Nan lo ta Su pueblo, i Dios mes lo ta ku nan i lo ta nan Dios " (Revelashon 21:3)



Juan 1:14 literalmente ta bisa ku Hesus a bira karni i " a biba" (tabata un tabernakel) meimei di nos. Ku Su inkarnashon, Hesus, e Dios etèrno, a kumpli ku Su deseo pa biba físikamente meimei di nos. El a bira Emanuel, Dios ku nos (Mat. 1:23).



Dor di e Spiritu Santu, Dios ta sigui biba ku nos awe (Mat. 18:20; 1Kor. 3:16).

Pero e dia pronto lo bini ora ku nos lo ta kapas pa para kara-kara ku nos Dios, i biba kunE, den e Tabernakel real ku E mes a prepará pa nos: e Jerusalèm Nobo (Rev. 21:3).

Esaki lo sosodé ora ku e Plan di Salbashon ta wòrdu kompletá, i maldat ta wòrdu completamente kitá(kabá



“ Dios a komandá Moisés pa Israel, “ Laga nan traha un Santuario pa Mi; pa Mi por biba meimei di nan” (Eksodo 25:8), i El a keda biba den e santuario, meimei di Su pueblo. Dor di tur nan dualmentu kansá den e desierto, e símbolo di Su presensia tabata ku nan. P’esei Kristu a monta Su tabernakel meimei di nos kampamentu humano. El a lanta Su tent banda di e tèntnan di hende, pa E lo por biba entre nos, i hasi nos familiar ku Su karakter i bida divino.”